



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ephemerologivm Ecclesiastio-Rubricisticum Novum**

**Halden, Johann Baptist**

**Brixinæ, 1717**

Titulus XI. De Dominicis, ac Ferijs à Septuagesima usque ad  
Quadragesimam.

**urn:nbn:de:hbz:466:1-39937**

nisi facienda sit Commemoratio occurrentis Festi simplicis, aut diei infra Octavam; nam in occurſu Festi simplicis Oratio 2. erit de simplicis, 3. à cunctis. In occurſu autem diei infra Octavam fit Commemoratio Octave, nec dicitur 3. tia Oratio; nisi insuper occurrat Festum simplex, ut supra in simili jam monui. In fine Missæ: *Virid.* Vide dicta superius Tit. V. *lit.*

In Ferijs Hebdomad. VI. post Epiph. resumitur pariter Missa Dominicæ proximè præcedentis (nisi fiat aut faciendum sit de *Requiem*, vel dicatur Missa *Voriva*, &c.) cum Orationibus in ea assignatis, atque men sine *Gloria* & *Credo*, & cum *Benedicamus Domino* in ejus fine. *Col. Virid.* Vide dicta superius Tit. V.

## TITULUS XI.

### De Dominicis, ac Ferijs à Septuagesima usque ad Quadragesimam.

**S** EPTUAGESIMA (ut quidam apud Henric. Pisart *Direct. Canon. cap. 5. Proprij de Temp.* volunt) ex eo dicitur, quòd *Septies* habeat *decem*, id est, *Septuaginta* dies ab ea Dominica usque ad Sabbatum in albis, quò terminatur; *SEXAGESIMA* ex eo, quòd complectatur dies *Sexaginta*, finiturque Feriâ IV. post Pascha: *QUINQUAGESIMA*, à 50. dierum numero ità dicta, ipso die Paschatis finitur; *QUADRAGESIMA* denique in Cœna Domini absolvitur; habet autem *Quadragesima* duos dies abstinentiæ à carne usque ad Pascha, è quibus si demas 6. Dies Dominicas erunt *Triginta sex*, hoc est, *decima anni pars*, qui communiter constat diebus 365. quibus postea S. Gregorius M. insuper quatuor primos ad-

jecit jejuniij dies, ut ità non modò *Decima anni* solveretur DEO, sed etiam jejunium 40. dierum CHRISTI DOMINI perfectè imitaremur.

Porrò hæc SEPTUAGESIMA dierum (ut quidam AA. notant) quam in præſenti observat Ecclesia, indicat illos 70. annos, quibus Filij Israël fuerunt sub servitute Babylonica, & sicut illi eo Tempore deposuerunt organa sua, dicentes: *Quomodo Cantabimus canticum Domini in terra aliena?* ità & nos deponimus *Alleluja*, quod est lætitiæ signum, quod huic Dominicæ ac Tempori non convenit, utpote in quo recolitur peccatum Adæ, ejusque per Passionem Christi Servatoris, pro nobis tam dira passi, imò & mortui in *Cruce*, expiatio; adeoque est *Tem-*



pus luctus, cui *Cantica letitiae* non congruunt, unde & in Missa dicitur *Tractus*, id est Canticum luctus, ita dictum (ut videre est apud Gavant. Tom. 1. P. 1. Tit. 10. n. 5. lit. Z.) quod *tractus* cantetur, & veluti tractae voces lugubres gemitibus & suspiriis admixtae sint, atque huic Tempori ex eo etiam capite vel maxime conveniens, quod in eo tum mortem, quae in mundum per invidiam Diaboli intravit, ut notat Rupertus; tum vitae praesentis miseriam, ut observat Innocentius III. lugeamus. Qua de re pulchre omnino Leo Papa IX. in hunc modum discurret: *Hi duo solummodo Hymni ab Angelis in novo Testamento inveniuntur decantati, Alleluja, atque Gloria in Excelsis DEO, quos pariter in SEPTUAGESIMA intermittimus; quia peccato hominis veteris à concentu Angelica Ju-*

*bilationis expulsi in hujus misera vita Babylonem, super flumina ejus sedemus, & stemus, dum recordamur illius Sion, in qua DEVM decet Hymnus.* Quae porro S. hic Pontifex subjungit, vide apud cit. Auct. uti & apud Gavantum Tom. 1. cit. P. 4. cap. 5. plures alias de 4. memoratis DOMINICIS, ac TEMPORIBUS, necnon eorundem MYSTERIIS Sacras Eruditiones: Item apud Gulielmum Durandum hic in Rationali Divinor. Officiorum, & Joan. Belet in Explicat. Divinor. Officiorum à c. 77. ubi inter alia advertit, in Officijs Divinis hoc *Tempore Luctus* intermitti ab Ecclesia tria *Cantica Latitiae*, scilicet: *Alleluja*, & (siquidem *Officium* & *Missae* fiant de Tempore) *Te DEum Laudamus*, ac *Gloria in Excelsis*. His praemonitis, ac praemissis sit

§. I.

De Sabbato ante Septuagesimam.

**S**ABBATÒ ante Septuagesimam in Martyrologio (quod ad PRIMAM ante Versum: *Prefiosa* regulariter pro sequenti die legitur in Choro) annuntiatur hodie 1. mò locò *Dominica crastina Septuagesima*, juxta regulam 6. Martyrologij Romani.

Si hodie fuit factum de S. Maria

in Sabbato, aut Ritu feriali de Dominica 2. vel alià post Epiphaniam superstite, quae die propriè *Dominico* (ut interdum juxta dicta superius contingit) celebrari non potest, tunc in Vesperis hodiernis dicuntur Psalmi feriales cum suis Antiphonis, prout notantur Sabbatò ad Vesperas in Psalterio; à Capitulo autem (quod

F 3

pro-



proprium haber craftina, ac eam sequentes duæ Dominicæ) fit de *Dominica in Septuagesima*: Hymnus & Versus ex Vesperis Sabbati per annum. Antiphona ad *Magnificat*, & Oratio propria, prout notantur in Sabbato ante Septuagesimam. Ad Versum: *Benedicamus Domino*, & ad *Be. DEO gratias*, additur duplex *Alleluja*, ut ibi; nec amplius deinceps dicitur *Alleluja* usque ad Sabbatum Sanctum, sed ejus locò Initiò Horarum, ubi post *DEus in Adjutorium &c* dicebatur *Alleluja*, dicitur *Laus Tibi Domine, Rex æterna Gloria*: At verò in alijs locis locò *Alleluja* nil prorsus est addendum à Recitantibus *Officium*, ut monet ibidem Rubrica, & Gavantus. *Col. Viol.* Dixi: à Recitantibus *Officium*: nam à Musica (ut apud Gav. Tom. 2. S. 6. c. 9. n. 3. Joan. Belerh. de Div. Offic. cap. 79. restatur) in Antiphonis, & Responsorijs pro *Alleluja* dicitur: *in æternum*; At verò à Recitantibus *Officium* [idè est de *Missa*] omittitur *Alleluja*, etiam in Antiphonis, & Responsorijs, ubi alioquin est, & ejus locò nihil dicitur. *Gav. loc. cit.*

Si in Sabbato Dominicam Septuagesimæ præcedente celebratur *Festum semiduplex*, tunc hodiernæ Vesperæ [si cras fiat *Officium de Septuagesima*] dicentur usque ad Capitulum de Festo, à Capitulo autem de Dominica Septuagesimæ, modò paulò antè descriptò. *Col. Viol.*

Si autem in Sabbato ante Septuagesimam celebretur aliquod *Festum duplex*, tunc in hujus Vesperis secundis fiet de *Dominica*, quæ dicitur in *Septuagesima*, post Orationem Festi solummodò Commemoratio, & in fine illarum dicitur: *Benedicamus Domino Alleluja, Alleluja &c*, ut suprà, ac suò locò. *Col. competens Festo.* **COMPLETORIUM** dic: more solito, omisso, ut suprà, *Alleluja* ad *DEus in Adjutorium &c*, pro quo ibi humiliori latinà linguà dicimus: *Laus tibi Domine &c*; quia Tempori huic juxta dicta congruit *Humilitas*, ob memoriam peccati originalis, *Alcuin: apud Gavant. loc. cit.*

Si Dominicà in Septuagesima *Festum solenne* alicujus loci [puta *Patroni*, vel *Titularis Ecclesie*, aut *Dedicationis* ejusdem] alicubi occurrat, iterum Vesperæ Sabbati præcedentis erunt integræ de tali Festo, cum Commemoratione Dominicæ, ac addito in fine ad *Benedicamus Domino* duplici *Alleluja &c*: cum Dominica Septuagesimæ, utpote tantum Dominica 2.æ Classis, ejusmodi solenne Festum non excludat, seu faciat transferri. Vide dicenda inferiùs P. II. & III.

Si in Sabbato ante Dominicam Septuagesimæ, aut aliquam aliam ejusmodi *Dominicam majorem privilegiatam* [ejusmodi sunt omnes Dominicæ 1. & 2. Classis] occurrat *Officium de septima die infra* aliquam *Octava*



*Octavam*, tunc ex Decr. S. R. C. de die 9. Novemb. 1622. & 1681. 1. Mart. Psalmi Vesperarum erunt de Psalterio, Capitulum de Dominica sequenti, de die autem Octava in hodiernis Vesperis, & crastino Officio Dominicali fiet tantum Commemoratio, dicendo in hodiernis Vesperis Antiph. & Vers. uti in 1. Vesperis Festi; omittuntur tamen in tali occurrentia Suffragia in utrisque Vesperis, & Laudibus; nec non *Preces ad Primam, & Completorium*, in gratiam diei Octavae. *Gavans. Tom. 2. sect. 3. cap. 8. n. 13.*

Si denique in Sabbato ante Septuagesimam, aut aliam hujusmodi Dominicam Privilegiatam, occurrat *Festum semiduplex*, & simul *dies septima infra Octavam* alicujus Festi, quod habet Octavam, tunc in Vesperis illius Sabbati *Antiphona & Psalmi* erunt de *Festo semiduplici*, à Capitulo autè fiet de *Dominica illa privilegiata*, cum Commemorazione primò Festi semiduplicis (urpote habentis in hoc

casu saltem dimidium Vesperarum) & postea primum *diei Octava* (in crastinam Dominicam privilegiatam incidentis) uti in 1. Vesperis Festi; eò quòd (non obstante quòd dies Octava habeat alioqui Ritu duplicem) toto sequenti die Dominico nihil habeat in tali casu *dies Octava*, nisi *meram Commemorationem*, ob occursum Dominicæ Privilegiatæ; *Festum* autem *semiduplex*, Sabbato ante Dominicam privilegiatam occurrens, habeat saltem *dimidium Vesperarum*. Ex quo rectè colligit, ac infert Gavantus dari casum, in quo *dies Octava* (quæ est *duplex*) cedat in concursu Festo semiduplici. *Gav. Tom. 2. sect. 3. cap. 8. n. 22.*

Quarundam Ecclesiarum (saltem in hac nostra Germania) consuetudo habet, ut à Vesperis Sabbati Dominicam Septuagesimæ præcedentis obvelentur ex parte *Imagines Altarium Velis Violaceis*, perinde ac in Adventu.

## §. II.

### De Dominica in Septuagesima.

**S**I in DOMINICIS SEPTUAGESIMÆ, SEXAGESIMÆ, aut QUINQUAGESIMÆ OCCURR. Festu duplex, vel semiduplex, transfertur illud in primam diem, simili Festo non impe-

ditam, ut dicitur in Rubrica de Translacione Festorum. Excipiuntur tamen triplicis generis Festa, quæ solenniter ac Ritu duplici 1. mæ Clafis alicubi celebrantur (nempe *Pa-*  
*troni,*



trani, ac Titularis Ecclesie, nec non Dedicacionis ejusdem) hæc enim occurrentia in Dominicis 2.æ Classis (cujusmodi sunt 3. prædictæ) aut in diebus infra Octavam Epiphaniæ, juxta cit. Rubric. non transferuntur, sed eodem, quo occurrunt, die celebrantur, cum Commemoratione tamen in utrisque Vesperis, Laudibus, ac Missa de ejusmodi Dominica, aut die infra illam Octavam, utpote privilegiatam, simul occurrente, nec non cum 9. Lectione de Homil. Dominicæ, & Evang. ejusdem in fine Missæ. Econtra excludunt hujusmodi Festa Solemnia [idem est de alijs Festis 1. Classis] in utrisque Vesperis, Laudibus, ac Missa Commemorationem simplicis, uti & dierum infra Octavam [nisi sint dies alicujus Octavæ privilegiatæ, quales sunt Epiphaniæ, Paschæ, Nativitatis, & Corporis Christi] item Vigiliæ, nisi sit privilegiata [uti est Vigilia Epiphaniæ] & Ferie, nisi sit Feria major; Nam Vigiliæ Epiph. ac Ferie cujuscunque majoris respectivè concurrentis aut occurrentis etiam in duplicibus 1.æ Classis faciendæ est suis locis Commemoratio, cum 9. Lectione in Officio, ac Evang. de iisdem in fine Missæ. Admittunt quoque Commemorationem diei Octavæ occurrentis, item Duplicium 2. Classis, concurr: in primis, ac secundis Vesperis; At verò aliorum Festorum Duplicium [etiam majorum] & Semi-

duplicium concurrentium non nisi in secundis Vesperis. In 1. quoque Vesperis Duplicium 1.æ Classis non fit Commemoratio Dominicæ antecedentis [nisi fuerit Dominica major, seu privilegiata, hoc est, 1.æ aut 2. Classis] nec diei Octavæ die illo celebratæ, nisi fuerit privilegiata.

In 2. autem Vesperis excludunt Commemorationem diei infra Octavam, etsi postero die fiat Officium de illa, nisi [quæ exceptio semper in similibus est intelligenda] ea fuerit dies Octavæ privilegiatæ. His præmissis, ac prænotatis

OFFICIUM DOMINICÆ IN SEPTUAGESIMA [par ratio est de Officio sequentium 2. Dominicarum] ex suppositione, quòd de ea fiat, sic ordinatur: Quia in hac & seqq. 2. Dominicis Invitatorium est *Præoccupemus faciem Domini &c.* ideo in 1. Versu Psalmi: *Venite, exultemus &c.* omittitur *Præoccupemus faciem ejus*, & ejus locò reperitur à Choro (idem est de Socio Chorum representante in privata recitatione) dictum Invitatorium. *Hymnus* [Primo die, quo *Trinitas &c.*] *Antiphonæ*, *Psalmi*, & *Versiculi Nocturnorum* dicuntur ut in Psalterio per annum. Lectiones I. Nocturni de Scriptur. occurrente [Incipit Liber Genesis] II. & III. Nocturni, uti notantur in loco in PROPRIO de TEMPORIB; & in fine ultimæ in hac, ac sequen-



sequentibus Dominicis usque ad Pascha locò Hymni: *Te DEUM* semper dicitur Responsorium nonum suis locis annotarum, nec legitur 9. Lectio de *Festo Simplicis* occurrente in ejusmodi Dominicis, etiamsi alioqui propriam [Unam vel duplicem] Lectionem id habeat. *Rubr. Gen. Tit. 9. n. 10.* Quia nempe ejusmodi Responsorium Lectioni nonæ de Sancto non conveniret.

Ad *Laudes* Antiphonæ propriæ: in iisdem Psalmus primus *Miserere*, ut *Fer. 2.* in Psalterio, secundus *Confitemini ex PRIMA* Dominicæ: Reliqui, ut in Dominica, ac Festis per annum: Hymnus: *Æterne rerum Conditor* &c. Capitulum, Versus, Antiph: ad *Benedictus* & Oratio [ex hesternis Vesperis] propria. Ad PRIMAM Antiphona ante Psalmos propria: Pro Psal. *Confitemini* dic: Psal. *Dominus regnavit*, ex Laudibus Dominicæ: Reliqua [etiam Lectio brevis] uti in Dominicis per annum.

Ad HORAS Antiphonæ, & Capitula propr. Oratio eadem, quæ in hesternis Vesperis, ac hodiernis Laudibus. Reliqua uti in Dominicis per annum. MISSA propr. cum *Credo* sine *Gloria*: In ea, si *Dominica Septuagesima* [idem est de *Dominica Septuagesima*, ac *Quinquagesimæ*] venerit ante Festum Purificationis, vel in ipsa die Purificationis, Oratio secunda est *DEUS, qui salutis æternæ* &c [correspondens autem huic *Secreta*

juxta Rub. Missal. tunc non est: *Muneribus nostris* &c, utpote coincidens cum Oratione currentis Dominicæ, sed: *Tua Domine* &c, ex Missa Votiva de S. Maria post Purificationem] tertia *Ecclesiæ*, vel pro Papa, uti notantur in Dominica II. post Epiph. Si verò venerit post Festum Purificationis, Oratio 2. erit *A cunctis*, 3. ad Libitum. In iisdem Dominicis [ut & in Festis] post Graduale [omissò in Festis *Aleluja*, ac Versu seq.] dicitur Tractus, ut ibi, non item in *Ferijs*, in quibus resumitur Missa præced. Dominicæ; nam in his tantum dicitur Graduale, omisso Tractu. Præf. Commun. à Septuages. usque ad Feriam IV. Ciner. in Missa Dominicali ac Feriali, & in fine; *Benedicamus*. Quòd si in hac, aut alia *Dominica Privilegiata* occurrat *Dies Octava* alicujus Festi [v. g. *Patroni*, aut *Dedicationis*] sit eò annò de *Die Octava* [utpote non transferibili quoad suum Officium & Missam in aliã diem] tam in *Officio* quàm *Missâ* Dominicæ duntaxat Comemoratio, non tamen dicuntur tunc in *Officio* talis Dominicæ Preces Dominicales ad Primam & Completorium, nec Suffragia Sanctor: ad Vesperas ac Laudes, nec etiam tunc dicitur in Missa talis Dominicæ tertia Oratio: cum enim in *Dominicis infra Octavam* dicantur tantum duæ Orationes (nisi fortè facienda sit Comemoratio Festi Simplicis occurrentis)

G

à for-



à fortiori non nisi duæ erunt dicendæ in casu, quò *Dies ipsamet Octava* occurrit in Dominica, utpote nobilior tam *die infra Octavam*, quàm etiam *Dominicâ infra Octavam*, uti cum Gav. discurret Bauldry P. 3. c. 7. in Tit. de Orat.

Quòd si in aliqua dictarum 3. Dominicarum occurrat *Festum Simplex*, fit de eo Commemoratio etiam in *Missâ*, & Oratio, quæ alioquin esset secunda, dicitur tunc 3. locò, concludendo Postcommunionem, Orationi *DEUS, qui salutis &c* correspondentem, per verba: *per eundem &c*, si sit ultima. Quòd si *dies Octava*, aut *dies infra Octavam* in ejusmodi Dominica occurrat, fit etiam hujus Commemoratio in *Missâ*, non tamen dicitur tunc 3.ia Orat: nisi fortè simul occurrat *Festum simplex*, aut simul alia dies infra Octavam.

Quando in *Dominica Septuagesimâ* (par Ratio est de *Dominica Sexagesimâ*, ac *Quinquagesimâ*, aliisque hujusmodi Dominicis 2. Classis) non occurrit *Festum Patroni*, vel *Titularis*, vel *Dedicationis propria Ecclesiæ*, nec postero die *Festum duplex*, *Vesperæ hodiernæ* dicuntur de ea, & *Psalmi* quidem cum suis *Antiphonis*, uti & *Hymnus* cum suo *Versu*, ut in *Psalterio*; at verò *Capit. Antiph. ad Magnificat*, & *Oratio*, uti norantur suò locò.

Quòd si verò in hujusmodi *Dominica privilegiata*, aut die eam sub-

sequente occurrat *Festum Patroni*, aut *Titularis Ecclesiæ*, vel *Dedicatio* ejusdem, semper de ea non tantum in *Laudibus*, ac *Missâ*, sed etiam in *Utrisque Vesperis Festi* fieri debet *Commemoratio*, ut suis à me locis declaratur, ac etiam noratur in *Rubric: de Dominicis 2. Classis*.

Quòd si in tali *Dominica Privilegiata* occurrat *dies Octava*, *Dominica* ejusmodi etiam in 2. *Vesperis* conservat *Sedem* sibi acquisitam, ità, ut de *die Octava* fiat juxta suprà dicta etiam in his tantum *Commemoratio*, ut in 2. *Vesperis Festi*. Quòd si *Dominica ipsa* in 2. *Vesperis* concurrat cum sequenti *Festo duplici*, *Vesperæ* quidem erunt de sequenti *Festo duplici*, *Commemoratio* tamen diei *Octavæ*, in tali *Dominica* occurrentis, adhuc fiet post *Commemorationem* *Dominicæ*; non obstante, quòd *dies Octava* habeat *Riturum* aliqui *duplicem*, non item *Dominica* ejusmodi. Quòd si autem *Dominica Privilegiata* in *Vesperis* secundis concurrat cum *Festo* duntaxat *semiduplici*, tunc *Vesperæ* erunt de *Dominica* cum *Commemoratione* diei imprimis *Octavæ* (ut in 2. *Vesperis Festi*) ac postea primùm sequentis *Festi Semiduplicis*, uti in 1. *Vesperis* ejusdem; quia in pari *Gradu* *Commemorationis* nobilior est *diei Octavæ*, quàm *Festi Semiduplicis* *Commemoratio*. Gav. Tom. 2. l. 3. c. 8. n. 14. Col. *Viol.*







dicitur *Missâ Principalis* [Vulgò *Conventualis*] generaliter pro Defunctis Sacerdotibus, & Benefactoribus, & alijs; uti in *Missâ* quotidiana pro Defunctis; Si verò 1. mâ die Mensis non impeditâ Fêsto 9. Lectionum occurrat hoc Tempore *Festum Simplex*, vel *Feria propriam habens Missam*, in *Ecclesijs Cathedralibus*, & *Collegiatis* dici debent duæ *Missæ*, una [post *Primam*] pro *Defunctis*, altera [post *Sextam*] de *Festo Simplicis*, aut *Feria prædicta* Horâ eidem competente. In *Ecclesijs* verò non *Cathedralibus*, nec *Collegiatis* ac *Missis* privatis dicitur *Missâ de die*, cum *Commemoratione* generaliter pro *Defunctis*, ut supra. Porro in utroque hoc casu pridie talis diei non impeditâ Fêsto Duplici aut semiduplici, post *Vesperas* diei dicuntur *Vesperæ Defunctorum*, ipsâ autem primâ die Mensis non impeditâ ejusmodi Fêsto, post *Laudes* diei dicuntur *Matutinum* & *Laudes* ejusdem Officij defunctor. modò supra relatò.

Quâvis quoque *Feriâ II.* in qua hoc Tempore fit *Officium* de *Feria*, *Missâ Principalis* dici potest pro *Defunctis*: Si tamen fuerit *propria Missâ de Feria*, aut die illo fiat de *Festo Simplicis*, tunc *Missâ* etiam *principalis* dicitur de die, at tamen in ea faciendâ est suò locò *Commemoratio* generaliter pro *Defunctis*. *Rubr. Gen. V. n. 2.*

*Horâ Parvâ, Vesperâ*, ac *Completorium* Officij ferialis dicuntur hoc

Tempore, prout per annum notantur in *Psalterio* pro *Officio* feriali; nisi quòd in *Vesperis* *Antiphonæ* propriæ ad *Magnificat* ferè omnibus *Ferijs* infra *Hebdomadas* *Septuagesimæ*, *Sexagesimæ*, ac *Quinquagesimæ* occurrentibus, assignentur: excipitur *Feria VI.* in qua nulla est talis *Antiphona*; quia in *Vesperis* illius diei fit [saltem à *Capitulo*] de *S. Maria* in *Sabbato*, nec amplius aliquid de *Feria*, nisi sequenti *Sabbato* occurrat *Vigilia* *S. Matthiæ*: tunc autem, uti & in *Feria V.* *Sexagesimæ* [in qua pariter nulla assignatur *Antiphona* propria ad *Magnificat* pro *Officio* feriali] dicenda est ad *Magnificat* in *Officio* feriali ejusmodi *Feriæ quintæ*, aut *sexte*, *Ultima* *Antiphona* ex ijs, quæ in præcedentibus illius *Hebdomadæ* *Ferijs*, ob occurrens in ijs *Festum*, dici non poterunt. Quòd si verò omnes præcedentium illius *Hebdomadæ* *feriarum* *Antiphonæ* diebus suis sint dictæ, tunc pro *Feriâ* illa *V.* aut *VI.* illius *Hebdomadæ* sumenda est *Antiphona* de *Psalterio* ex *Vesperis* *feriæ* currentis, id quod semper faciendum est, quando *Antiphonæ* propriæ non habentur, ut monet *Rubrica*, extans ad *Finem* *Feriæ* *IV.* infra *Hebdomadam* *Sexagesimæ*: ac nominatim id observandum *Feria VI.* in anno *bissextili*. Unde [Teste *Gavanto*] perperam quædam *Ecclesiarum* *particularium* *Directoria* seu *Calendaria*



daria assignant in ejusmodi casu Antiphonas de Ferijs Septuagesimæ; quia illarum Antiphonæ, si fortè ob Festa Sanctorum, infra earum Hebdomadem occurrentia, dici non poterunt, nequaquam resumuntur in sequenti Hebdomade.

Sabbatò ante Dominicam in Sexagesima quoad omnia proceditur

respectivè, uti in Sabbato ante Dominicam in Septuagesima, ac Sabbato post Dominicam II. post Epiphaniis quòd à Tempore Completorij, quod dicitur pridie Dominicæ in Septuagesima, non amplius dicatur Canticum Domini *Alleluja* usque ad Sabbatum Sanctum, ut ibi.

## §. IV.

### De Dominica in Sexagesima, ac Ferijs infra ejus Hebdomadem occurrentibus in particulari.

**I**n his tam quoad Recitationem Officij, quam Celebrationem *Missæ* eadem in Praxi cum proportione sunt observanda, quæ utroque præcedenti §. de Officio, ac *Missæ* Dominicæ in *Septuagesima*, & *Feriarum*, infra ejus Hebdomadem occurrentium in medium sunt allata.

Propria tamen *Dominica in Sexagesima*, & *Ferijs* infra ejus Hebdomadem occurrentibus sunt sequentia:  
1. Habet *Dominica in Sexagesima proprias Lectiones* [idem est de *Ferijs*] & *Responsoria propria* in suis Nocturnis.  
2. *Proprias Antiphonas*; & Capitula ad Laudes, & per Horas.  
3. *Proprias* item Antiph: ad *Benedictus*, & ad *Magnificat*, cum *propria Oratione*; in quæ tantum implicita, seu tacito

nomine ac cognomine, *S. Pauli Apostoli* fixa mentio, ideo sicuti illa in Officio non excludit *Commemorationem Communem* hujus S. Apostoli in consuetis *Suffragijs Sanctorum*, quòd minùs in illa *Commemoratione* ejus Nomen explicitè exprimitur, ita neque in *Missæ* excludit *Orationem A Cunctis*, nec ab ista explicitam mentionem S. Pauli, ut notant Gavantus *Tom. 1. P. 4. Tit. 5. n. 15.* & *Tom. 2. Sect. 6. c. 9. n. 6.* Item *Michaël Bauldry P. 4. c. 3. a. 3. n. 19.* Idem dicendum respectivè, si Festum Conversionis S. Pauli, eò quòd tanquam *Titulus Templi* sit duplex 1. *Classis*, eadem *Dominicâ* alicubi celebretur, cum *Commemoratione* ejusdem *Dominicæ* occurrentis, uti & si Festum *Cathedræ S. Petri*

G 3

Petri



Petri 22. Februarij [ quòd pariter alicubi fit 1. mæ Classis ] in eadem Dominicâ occurrens celebretur: tunc enim Commemorationi 1. mæ de S. Paulo supperaddenda est etiam Commemoratione de Dominica currente, non obstante, quòd in Oratione illius Dominicæ [ nempe *Sexagesima* ] fiat rursus mentio, attamen suppresso nomine, de S. Paulo, ut monet cit. Bauldry; Rationem verò hujus rei Gavantus suprâ cit. dat hanc: quòd regula illa: *ne de eodem bis fiat in eodem Officio*, valeat solummodo in *Festis*, *Votivis*, ac *Commemorationibus*, in quibus fiat explicita mentio de eodem: *Titulus* autem *Stationis* [ quæ est ad S. Paulum in *Sexagesima* juxta Missale Romanum ] non est *Festum*, neque de se *Commemoratio* [ qualis est v. g. *Oratio A Cunctis* ] neque quid *Votivum*, nec denique in Oratione hujus Dominicæ *S. Pauli* Nomen, aut *Apostoli* cognomen explicitè exprimitur, sed tacito tam nomine *Pauli*, quàm cognomine *Apostoli*, occultiori Compellatione *Doctoris Gentium* eum in prædicta Collecta Ecclesia nominat. Denique illud etiam in Collecta hujus Dominicæ præter Regulas ordinarias occurrit, quòd Collecta seu Oratio in *Officio & Missa* hujus *Dominicæ* dicatur sine Collecta speciali de S. Petro, qui alioquin in *Festis* eorum, & *Commemoratione* per annum nunquam dividuntur.

*Feria II. post Sexages.* propria habet *Responsoria*: in reliquis *Ferijs* sumuntur ex *Dominica* proximè præcedente, *Ordine* præcedenti §. descripto; nisi quòd *Feria IV.* & *Sabbato* hujus *Hebdomadæ* [ si in ijs fiat de *Feria* ] locò tertij *Responsorij* *Dominicalis* dicatur post tertiam *Lectionem* harum *Feriarum* *Responsorium* primum *Feriæ II.* proximè præcedentis: *In articulo diei &c.* Si infra hanc *Hebdomadem* die aliquo, quò fit de *Feria*, dicatur *Missæ* *Votiva de Passione Domini*, tunc secreta sumi debet ex *Missæ* *Dominicæ* *Quinquagesimæ*, juxta ea, quæ alicubi tradit Gav.

Pro *FERIA II. III. & IV.* hujus *Hebdomadæ* *Antiphonæ ad Magnificat* assignantur à *Breviario Romano* propria, quæ si ob occurrens *Festum* non potuerunt dici in *Ferijs* modò dictis, & in sequenti *Feria V.* aut *VI.* [ pro quibus *Antiphonæ* propria non assignantur ] occurrat *Officium* fieri de *Feria*, tunc pro *Antiphona ad Magnificat* *Feriæ V.* aut *VI.* subsequentis assumenda est ultima ex prætermisissis; quòd si omnes fuerint expletæ, seu jam dictæ, sumendæ sunt de *Psalterio* ex *Vesperis* *feriæ* currentis, quod cum proportione semper juxta superius dicta circa *Antiphonas* est observandum, quando propria in loco non assignantur. Ac nominam *Feriâ VI.* in anno *bissextili* cadente extra *Quadragesimam*.

Sabbat



Sabbatò ante Dominicam in Quinquagesima, omnia aguntur, uti in Sabbato ante Dominicam in Sexagesima, ac Septuagesima.

Quid observandum [ nominatim circa Jejunium ] si in Feriam V. hujus Hebdomadæ incidat Vigilia S. Matthiæ, dicerur P. II. die 23. Febr. & c.

## §. V.

### De Dominica in Quinquagesima, & Feria II. ac III. infra eam Hebdomadem occurrente.

**O**fficia, & Missa hujus Dominicæ, harumque 2. Feriarum eodem proportionaliter modò dicuntur, ac ordinantur, quò Officia & Missa, præcedentium 2. Dominicarum, ac Feriarum præcedentis utriusque Hebdomadæ. Quid observandum, si in aliquam hujus Hebdomadæ Feriam incidat Vigilia S. Matthiæ, dicerur P. II. 23. Februarij.

Propria tamen ipsis sunt sequentia: 1. Habet Dominica Quinquagesimæ proprias *Lectiones* [ idem est de Ferijs eam subsequens ] ac propria *Responsoria* in suis Nocturnis. 2. Habet eadem Dominica proprias *Antiphonas*, & *Capitula* ad *Laudes*, & per *Horas*. 3. proprias quoque habet *Antiphonas ad Benedictus*, & ad *Magnificat*, cum propria *Oratione*.

In *Comprecatione* 40. *Horarum*, quæ hæc Dominicæ & Feriæ II. ac III. subsequente propositis *Indulgentijs plenarijs*, à Sede Apostolica extra annum *Jubilæi* concessis & c. in Tem-

plis Societatis JESU coram SS. Sacramento, in Summo Altari exposito, institui solet, triduo hoc antecinerali quoad *Missam Solennem* observatur hætenus ferè in nostra Germania id, quod tradit Gav. Tom. I. P. II. Tit. 14. n. 2. 3. & 4. & ex eo, ac alijs Lohnerus Instr. I. P. 4. T. I. n. 8. ubi ait: Quando exponitur Ven: Sacramentum pro *Oratione* 40. *Horarum*, *Missa Solennis* dici debet de eodem *Ven: Sacramento*, prout inter *Missas Votivas* in fine Missalis assignatur [ non autem *Festiva* Corporis Christi, nisi infra *Octavam* Corporis Christi casus accideret, ut rectè moner Gavantus ] cum unica tantum *Oratione*, necnon cum *Gloria & Credo* [ quia est publica causa ] & in ejus fine dicitur Evangelium S. Joannis. *Missa* autem *privata*, Teste eodem Lohnero, si occurrat *Festum duplex*, aut *Dominica*, dicuntur de die *currente*, addita *Commemoratione* de Ven: Sacramento, ordine tamen à Rubrica General. VII. Missalis n. 5. præ-



præscripto. Præfatio in Missa dicta  
 Votiva Solenni dicitur de Nativitate,  
 ac verò *Communicantes* Commune:  
 Col. Alb. Quòd si in *Dominicam*  
*majorem primæ vel secundæ Classis* (qua-  
 lis est *Dominica Quinquagesima*) aut  
 in *Festum primæ vel 2.æ Classis* inci-  
 dat hujusmodi *Comprecatio*, tunc in  
 Ecclesijs, in quibus unica tantùm di-  
 citur Missa, ea non est juxta prædi-  
 ctos AA. dicenda de *Venerabili*, sed  
 de *Dominica* vel *Festo* ejusmodi *primæ*  
 vel *2.æ Classis*: Si verò plures & ea-  
 rum aliquæ de *Festo* vel *Dominica* e-  
 jusmodi *primæ* vel *2.æ Classis* dicantur,  
 tunc poterit (inquit Lohnerus)  
 Missa *Votiva* Solennis de *Venerabili*,  
 sine Commemoratione Festi aut Do-  
 minicæ *occurrentis* cantari & sine  
 hujus Evangelio (NB) in fine ejus-  
 modi Missæ *Votivæ*. Gavantus verò  
 locò citatò ità scribit: Si accidat, ut  
 ejusmodi *Comprecatio* coram expo-  
 sito in Altari SS. Sacramento insti-  
 tuatur in *Festo primæ*, vel *2.æ Classis*,  
 aut in *Dominica privilegiata primæ* vel  
*2.æ Classis*, tunc in Ecclesijs *Collegia-  
 tis* vel duæ cantentur Missæ, altera  
 de *Festo*, seu *Dominica* post TERTIAM,  
 altera *Votiva* de Sacramento post  
 NONAM; vel una tantùm cantetur de  
 die *currente* cum Commemoratione  
 ragen SS. Sacramenti: Quod ulti-  
 mum (ait idem) fit Romæ in Capella  
 Papæ in prima *Dominica Adventûs*,  
 & in alijs diebus *Festis Solennibus*  
 in Ecclesijs majoribus Urbis. Quod

ipsum hodie univerſim in ejusmodi  
 Festis & Dominicis primæ & 2.æ  
 Classis Romæ observari colligitur ex  
 ijs, quæ leguntur apud Franc. Mona-  
 celli P. II. Formularij Legal. practic.  
 Tit. 13. ubi à pag. 44. INSTRUC-  
 TIONEM seu ORDINEM servandum in ex-  
 positione solenni Eucharistiæ ad men-  
 tem SS. D. N. Clementis XI. per  
 Eminentiss. Card. de Carpegna suæ  
 Sanctitatis Vicarium Generalem ibi-  
 dem publicatum 20. Januarij 1705.  
 & Italicè impressum refert: Eamque  
 Ordinationem etiam à Nostriſ *Do-  
 minicâ in Quinquagesima* in expositio-  
 ne SS. Sacramenti pro 40. Horarum  
*Comprecatione* Romæ observari in-  
 de Scriptò simul & oreretur à Teste  
 oculato accepi: dum eâ *Dominicâ*  
 juxta Præscriptum allegatæ Ordina-  
 tionis in Altari, in quo exponitur  
*Venerabile*, *Missæ Solennis* non can-  
 tatur de *Venerabili*, sed de *Domini-  
 ca Quinquagesimæ* cum Commemo-  
 ratione de *Venerabili Sacramento*,  
 & quidem sub una eadèmq; con-  
 clusione cum Oratione solius *Domini-  
 nicæ*, in Paramentis *Violaceis*: præ-  
 ter hanc autem *Missam solennem* de  
 die *currente* dictò modò cantatam,  
 juxta eandem ordinationem in Alta-  
 ri, in quo exponitur *Venerabile*,  
 nullæ aliæ dicuntur Missæ, nec *Ve-  
 speræ* cantantur ibi, ut inde ad me  
 rescriptum. In Missis verò *privatis*  
 (si non occurrat *Festum 1.æ* aut  
*2.æ Classis*) dicenda est *Oratio de*  
 SS. Sa-



SS. Sacramento per modum Commemorationis seu orationis Votivæ, attamen ordine à Rubr. Missalis Tit. 7. n. 5. præscriptò.

FERIA II. post Quinquagesimam habet propria Responsorialia post Lectiones sui Nocturni. Feriâ autem III. Sumuntur Responsorialia ex II. Nocturno Dominicæ præcedentis. At verò ad Magnificat utraque prædicta Feria habet propria Antiphonas.

FERIA III. post Dominicam Quinquagesimæ ( sive de ea, sive de Festo fiat Officium ) annuntianda est in Choro in Martyrologio ad PRIMAM primò locò dies Cinerum. Si Feria 3. post Dominicam Quinquagesimæ alicubi occurrat dies Septima infra Octavam alicujus Festi ( v. g. Purificationis B. V. ubi hæc est Titulus Templi, aut Patroni Principalis Diocæsani ) Vesperæ dicantur de Feriali corrente, nil ampliùs dicendo aut faciendo de Octava post NONAM, utpote post quam currens Octava immediatè cessat in tali casu, uti expressè cum alijs tradit Bauldry P. 4. c. 3. a. 3. n. 20. Cùm enim juxta Rubric. Gener. VII. n. 1. à Feriali IV. Cinerum usque ad Pascha ( seclusò speciali Privilegiò ) non modò nulli Festo Concedatur Octava, sed etiam cesset Officium cujusunque Octava jam antecedenter inchoatæ, ita ut sicubi aliquod Festum alioqui celebrari solitum cum Octava, paulò anteq. Quadragesimam ( h. e. ante Fe-

riam IV. Cinerum ) venerit, & jam per aliquot dies factum sit Officium de ejus Octava, adveniente Quadragesimâ nihil ampliùs de Octava, ne quidem Commemoratio, fieri debeat, inconveniens omnino foret, die Septima infra Octavam alicujus Festi, cadente in Feriali III. ante cineres, Feriali illâ III. in Vesperis aliquid ampliùs facere de Octava, de qua sequenti die, nempe Feriali IV. Cinerum, nihil ampliùs fieri potest: cùm, uti notat, ac probat Gavantus Tom. 2. Sect. 3. c. 8. n. 9. & 13. nequaquam conveniat, ut habeat in i. Vesperis aliquid illud Festum, aut Officium, quod nihil omninò habere debet in Laudibus & Vesperis secundis. Dixi tamen i. mò dies infra Octavam. Nam si Feriali III. ante Cineres occurrat Festum 9. Lectionum aut ipsa dies Octava alicujus Festi, Vesperæ utique non de Feriali, sed de ejusmodi Festo, aut die Octava Feriali illâ III. perinde ac alijs diebus, erunt dicendæ: secùs est, si dies Octava alicujus Festi primùm in crastinam Feriali IV. incidat; cùm enim dies Octava in tali casu neque transferri, nec Feriali IV. Cinerum ullatenus celebrari queat, ideo, ut paulò antè dictum, nec convenit de ea die præcedente Vesperas dici, nec fieri etiam Commemorationem. Dixi 2. dies septima infra Octavam; quia si alia dies infra Octavam, quàm septima, alicubi occurrat Feriali III. ante Cine-

H

res,



res, non apparet, cur de ea non dicantur Vesperæ, aut, occurrente simul Festo alio 9. Lectionum, non fiat Commemoratio, perinde ac alijs diebus infra Octavam occurrentibus solet; cum tanquam Semiduplex verè requirat secundas Vesperas, aut simul Commemorationem (nisi fortè Solennitas Festi eà Feriâ III. occurrentis aliquando, aut alicubi obster) nec eà contra dies *alias* infra Octavam pugnent Rationes, quæ contra *septimam* à Gavanto adducuntur, de qua etiam sola locis citatis is loqui videtur, atque etiam hóc pacto cum eo conciliari posse P. Tobias Lohner Instr. Pract. II. P. 1. Tit. 3. n. 4.

Si FERIA III. post Quinquagesimam non fiat de aliquo Festo 9. Lectionum, FERIA autem IV. Cinerum subsequente occurrat *Festum simplex*, Vesperæ FERIA illâ III. erunt de FERIA Communi per annum, non autem de sequenti, ne quidem à Capitulo, at tamen cum Commemoratione Festi Simplicis, in sequenti FERIA IV. occurrentis: quod non ideo fit, quòd sequens FERIA habeat 1. Vesperas; sed quia, cum Festum simplex in sequenti die non habeat Officium, propter FERIAM IV. Cinerum in eo occurrentem, & contra celebrationem cujuscunque Festi privilegiam, etiam non convenit ejusmodi Festum simplex habere primas Vesperas in die præcedenti, ut dicitur Rubr. Gen. XI. n. 10. ubi id ipsum

etiam asseritur pro Casu, quo Festum Simplex venit in FERIA IV. vel VI. Quatuor Temporum, aut in Vigilijs, quæ jejunantur, in quibus casibus Vesperæ antecedentes seu pridianæ (nisi ea die celebratum sit Festum 9. Lectionum) pariter ob dictam rationem dici debent de FERIA communi per annum, seu die illo curren- te, cum Commemoratione tantùm Festi Simplicis, in sequenti FERIA majore, aut Vigilia occurrentis. Eandem ob causam, si Festum simplex occurrat FERIA V. in Cœna Domini, in qua de eo juxta Rubricas non debet fieri Commemoratio, nulla etiam fieri de eo debet Commemoratio in Vesperis FERIA IV. præcedentis. Rub. Gen. XI. n. Cit.

In Vesperis hujus FERIA nihil fit de sequenti FERIA IV. Cinerum, sed (si sint de FERIA) dicitur in illis Oratio Dominicæ præcedentis, non autem ea, quæ est propria sequenti FERIA; nec ante Orationem dicuntur hodie *preces feriales*, nisi in hodiernam FERIAM tertiam incidat Vigilia S. Matthiæ: tunc enim, si hodie factum sit de Vigilia, in Vesperis hodiernis dicuntur *preces feriales*, quamvis dicenda sit Oratio Dominicæ præcedentis in Vesperis hodiernis feriabilibus, non autem Oratio Vigiliæ, ut expressum habetur in Rubr. Breviarj Tit. 34. n. 5. Dicuntur autem (ut ibidem monent Rubricæ n. 3. & 4.) *preces feriales*, quotiescunque dicuntur,

*Sexis*



*flexis genibus* (quod tamen ultimum nonnulli ad solum Chorum restringunt) & ab Hebdomadario quidem usque ad Versum: *Dominus Vobiscum* ante primam Orationem, à Circumstantibus autem usque ad Versum: *Benedicamus Domino* post ultimam Orationem. Dixi autem: *Preces feriales* (quæ ad Laudes Ferie II. & per HORAS distinctæ extant in Psalterio) dici flexis genibus solummodo respectivè ad LAUDES, HORAS, & VESP: &c, in Ferijs Adventûs, Quadragesimæ, Quar. Temp. & Vigiliarû, quæ jejunantur (exceptâ *Vigilia Nativitatis*, & *Pentecostes*; exceptis quoque *Ferijs Quatuor Tempor: Penteco-*

*stes*) nam ad *preces Dominicales*, quæ in alijs Ferijs per annum ad *Primam* & *Completorium* dicuntur, non flectuntur genua. Plura huc pertinentia vide infra P. II. die 23. & 24. Febr. nominatim de casu, quo *Vigilia S. Matthie* cadit in hanc, aut præcedentem Feriam: de quo fusè etiam Gob. Tr. 5. à. n. 112.

Hodie serò clauduntur Nuptiæ juxta Decr. Sacri Concilij Trid. Sess. 24. c. 10. de Reform. Matrim.

Quarundam Ecclesiarum consuetudo habet, ut toto sequenti Tempore Quadragesimali plenè obvelentur imagines Altarium.

§. VI.

De Feria IV. Cinerum, & Cæteris usque ad Dominicam I. in Quadragesima eam subsequenteribus.

**Q**uia FERIA IV. CINERUM (itâ dicta à *Cineribus*, qui ab Ecclesia hac die *benedici*, & *Capitibus Fidelium* eò Consilio *imponi* solent, ut suæ mortalitatis, ex peccato ortum trahentis admoniti, Penitentiam solennem, cujus *Initium* hæc Feria existit, cum *Ninivitis* à *Cinerum inperfone* incipiant) est privilegiata contra quodcunque *Festum 9. Lectionum*, etiam 1. mæ aut

2. dæ Classis, in ea occurrens, itâ, ut nec *Missam Votivam Solennem* de eo dicere hodie liceat per Rubric. *Missal. VI.* ideo, si hodie occurrat *Festum duplex*, aut *semiduplex*, transfertur in diem proximam, *Officiò 9. Lectionum* non impeditam. De *Festo* autem *simplici*, si quod hodie occurrat, fit tantum *Commemoratio* (in *Laudibus*, ac *Missâ*) sine *Lectio*ne de eo, etiam si propriam alio-

H 2

qui



qui habeat: in Vesperis quoque hodiernis de crastino Festo simplici sit tantum Commemoratio, sive illæ de Feria currente, sive de Festo 9. Lectionum cras occurrente dicantur.

Ab hac die JEJUNIUM servatur quotidie (exceptis diebus Dominicis) usque ad Pascha, & hodie ante Matutinum dicuntur in Choro Psalmi Graduales, ut infra. Quando in Fer. IV. Cinerum incidit Festum S. Marthæ; tunc illud transfertur in Feriam V. subsequentem in solo Choro (id est, solummodo quoad Officium & Missam) non autem in foro, in hoc enim, h. e. quoad obligationem audiendi Missam, & abstinendi ab operibus servilibus, affixum manet suo diei, uti & suo, nempe Feriæ III. præcedenti, ejus Vigilia; cum nulla sit causa eam transferendi, & jejuniū ex justa causa, ac abstrahendo à speciali prohibitione, possit ab ea separari, ut patet in casu, quò Festum S. Corp. Christi incidit in Vigiliam S. Joann. Bapt. item in alio, de quo P. La Croix Tom. 3. l. 3. P. 2. n. 1273.

Ad Officium Feriale tam hujus, quàm sequentium 3. Feriarum quod attinet, in hac, & sequentibus Ferijs usque ad Vesperas sequentis Sabbati Hymni, Capitula, & alia omnia, si fiat de Feria, dicuntur ut in Psalterio per annum, exceptis Lectionibus Nocturni, earumque Responsorij (quæ extant in loco) nec non Antiph. ad Benedictus, & ad Magni-

ficat, ac Orat. propr. Ad Laudes, Horas, Vesperas, & Completorium dicuntur preces feriales, & quidem flexis genibus (saltem in Choro) ut ibidem in Psalterio: dicuntur quoque hodie, & per totam Quadragesimam duæ Orationes in Feriali Officio, quarum secunda est Vesperarum propria, & est illa, quæ in Missa feriali dicta fuit super Populum. Post Orationem verò diei, aut, si occurrat simul Festum simplex, post hujus Comemorationem fit in Feriali Officio Commemoratio de S. Cruce, cui subjunguntur Commemorationes Communes, seu Suffragia Sanctorum in Laudibus, ac Vesperis, ut infra P. II. usque ad Vesperas Sabbati ante Dominicam Passionis. PSALMI GRADUALES (qui ab hac Feriâ IV. Cinerum inclusivè singulis Ferijs quartis Quadragesimæ usque ad majorem Hebdomadem exclusivè in Choro ante Matutinum, etiam parvi Officij B. V. M. ubi hoc in Choro Officio diei præponitur, dicuntur) omittuntur in Festis 9. Lectionum. Quòd si alicubi detur antiqua consuetudo eos recirandi Feriâ III. præced. post Completorium, retineri eam posse censuit S. R. C. apud Arnaud. Tr. 2. P. 4. in Appendicib. Breviar. Tit. 3. n. 1. & Tit. 4. n. 2.

FERIA IV. CINERUM finitâ NONA post dictum Benedicamus fit ante Missam Conventualem [at sine Dalmaticis] solennis Benedictio, ac Dis-

stri-



*Distributio Cinerum*, qui (sive *privatim*, ante Missam v. g. primam, sive *solenniter* ante Missam Principalem benedicantur) ex Decreto S. R. C. de anno 1603. 23. Maij debent esse aridi, non autem in modum Luti, ac facti de ramis olivarum, vel aliarum arborum præcedenti anno benedictis: ijdem in Vase ex argento, aut aliâ Materiâ honestâ confecto, poni debent in Cornu Epistolæ, inter Missale, ac Cornu Altaris, & in hoc sex Cerei accensi ardere. Diaconus & Subdiaconus nec hoc, nec alijs diebus in Quadragesima utuntur *Dalmaticis*, & *Tunicellis*, nisi in Festis, & diebus suis locò exceptis.

*Modus* sive *Ritus* sacros Cinerum tum *benedicendi*, tum etiam *distribuendi*, extat in Missali Romano ante hodiernam Missam; & fusiùs tam pro majoribus, quam minoribus Ecclesijs declaratur ab Arnaudo Tr. 1. P. 4. Tit. 6. Bauldryo P. 4. a. 1.2. & 3. Gerlaco Vinitore hîc, & P. Tob. Lohner. Instruât. pract. I. P. 4. Tit. 10. Orationes, quæ dicuntur in Benedictione Cinerum, dici debent junctis manibus.

MISSA hodie, & sequentibus Ferijs dicitur uti notatur in loco, sine *Gloria & Credo*, Orat. 2. *A Cunctis*. 3. Pro Vivis & Defunctis [*Omnipotens sempiterne DEUS*] nisi facienda sit Commemoratio Festi simplicis occurrentis, tunc enim tertia erit à *Cunctis*. Animadvertere hîc juvat,

haud immeritò improbari à Gav. Tom. 1. P. 1. Tit. 9. n. 16. Ricum illum quorundam sui Temporis, 4. Orationes dicentium in Dominicis & Ferijs Quadragesimæ, primam scilicet de Feria [extra Dominicam] secundam de Vigilia; tertiam *A Cunctis*, & quartam *Omnipotens &c &c*; vel ergo, inquit, adde quintam, vel deme quartam. Post Graduale dic. *Tractus* Graduali Feriæ 4. tæ Cinerum subscriptus, qui idem similiter dicitur quavis Fer. II. IV. & VI. usque ad Fer. IV. Majoris Hebdomadæ in *Missâ Feriali*, nisi proprius assignetur. Præfat. *Quadrages. Qui Corporali Jejunio*, quæ quotidie dicitur [etiam in Festis, si in eis propria non habeatur] usque ad Dominicam Passionis exclusivè. Post ultimam Postcommunionem, dictò à celebrante more aliàs usitatò *Oremus*, Diaconus [si in Officio Diaconatus serviat] vertens se ad populum junctis manibus dicit: *Humiliate Capita Vestra DEO*: Alioquin, uti & in Missa privata, ipse Sacerdos Celebrans, persistens in eodem loco ante Librum, id ipsum junctis manibus dicit, Caput inclinans Cruci, ac postea extensis manibus eadem voce subjungit Orationem super populum in sine Missæ annotatam. Qui modus dicendi Orationem super populum servatur etiam deinceps in omni ac sola Missâ feriali de Tempore usque ad Feriam IV. Majoris Hebdomadæ inclu-



inclusivè, non autem in *Missis Festi-  
vis*, ac *Votivis*, etiam illis, quæ di-  
cuntur in *Colore Violaceo*. Denique  
in fine *Missar. Ferial.* dicitur pro mo-  
re junctis ad pectus manibus versus  
Altare: *Benedicamus &c.*

Hac die non possunt dici *Missæ  
Votivæ privatae* ( etiam *de Requiem* )  
bene tamen in alijs *Ferijs* usque ad  
Hebdomadem majorem exclusivè,  
non obstante, quòd omnes *Feriae  
Quadragesimales* sint *Feriae Majores*,  
hoc est tales, de quibus semper fieri  
debet ad minimum *Commemoratio*:  
cujusmodi *Feriae majores* sunt etiam  
ulterius *singulae Feriae Adventus*, item  
*Feria 4. Temporum*, ac tandem *Feria  
2. da Rogationum*.

Qui habent *PRIVILEGIUM* cele-  
brandi *Octavas* in *Quadragesima*,  
non ideo debent facere *Commemo-  
rationem* de *Octava* in *Feria IV. Ci-  
nerum*, prout decrevisse fertur *S. R.  
C. 1682. 24. Jan.* alijs verò infra e-  
jusmodi *Octavam* diebus à taliter  
*Privilegiatis* observandum est id,  
quod *Rubricæ Missal. Tit. III. n. I.  
& II.* præscribunt: vide *Gav. ibid.*

Quibus à *Sede Apostolica* con-  
cessum est, ut semel vel pluries *sin-  
gulis hebdomadibus*, vel *mensibus*  
possint dicere *Officium & Missam* de  
*SS. v. g. Sacramento* ( vel certis *San-  
ctis* ) diebus *Festo duplici*, vel *semi-  
duplici* non impeditis, non possunt  
id facere vi ejusmodi *Indulti* in die-  
bus *Quadragesimæ*, aliisque *Ferijs*

majoribus, ac *Vigilijs &c.*, etiam si  
in *Indulto* nulla sit facta *specialis  
mentio* de hujusmodi diebus; ita  
enim *Decreto generali* declaravit  
*S. R. C. 1706. 20. Martij*, existante  
apud *Franc. Monacelli P. 2. Formu-  
lar. Leg. Tit. 13.*

*Vesperæ* hodie ac duobus se-  
quentibus dieb. dic. *Horâ consuetâ*;  
& siquidem postero die non occurrat  
*Festum 9. Læctionum*, dicuntur sicuti  
in alijs *Ferijs* per annum, cum  
*Oratione* tamen, ac etiam *Antiphonâ  
propria* ad *Magnificat*: dicuntur quo-  
que *preces eriales* flexis genibus ad  
*Vesperas*, & ad *Completorium Offi-  
cij Ferialis*, ut supra.

Quando in *Quadragesima* oc-  
currit fieri *Officium* de *Festo 9. Læ-  
ctionum*, *Læctiones* pro *I. Noctur-  
no*, si proprijs careat, sumendæ sunt  
de *COMMUNI Sanctor.* Præterea

Quando *Tempore Quadrage-  
simali Officium* sit de *Festo*, in *Eccle-  
sijs Cathedralibus*, & *Collegiatis* di-  
cuntur *2. Missæ* *Conventuales*, una  
post *TERTIAM* de *Festo*, cum colore  
eidem *Festo* conveniente: Altera post  
*NONAM* in colore *Violaceo* de *Festis*  
currente. In ea, quæ dicitur de *Festis*,  
si sit *Festum Duplex*, nulla sit *Com-  
memoratio*, nisi *Festi Simplicis* oc-  
currentis: si autem sit *Festum semi-  
duplex*, *2. da Oratio* erit de *Festo sim-  
plici* occurrente, *3. tia A Cunctis*, vel  
si non occurrat *Festum simplex*, *2. dō*  
locò dicitur à *cunctis*, *3. tiō Omnipu-*



vens sempiternæ &c; & sic usque ad Dominicam Passionis; post Dominicam Passionis verò dicuntur Orationes in Missa Conventuali de Festo, ut infra Feriâ II. post Dominicâ Passionis, ac P. II. post initium mensis Martij notantur. In eadem Missa Conventuali de Festo [ sive hoc sit duplex, sive tantum semiduplex ] semper dicitur Gloria, & Tractus post Graduale, Præfatio item [ nisi propriam habeat ] Quadragesimalis, usque ad Dominicam Passionis. In ea verò Missa Conventuali, quæ dicitur de Feria, usque ad Dominicam Passionis Oratio 2. da semper est à cunctis, 3. tia verò pro Vivis & Defunctis, ac Præfatio Quadragesimalis; post Dominicâ verò Passionis Oratio 2. da Ecclesiæ, vel pro Papa tantum [ sine Commemoratione Festi simplicis occurrentis ] ac Præfatio de Cruce, ut in Missali. In utraque autem prædicta Missa Conventuali [ hoc est tam eâ, quæ dicitur de Festo, quàm illâ, quæ dicitur de Feria ] semper ultimò locò dicitur Evangelium S. Joannis. In priori non tantum semper dicitur Gloria, sed & Credo, si qualitas Missæ id requirat [ v. g. in Festo Doctoris Angelici ] in Posteriori autem omittitur semper tam Gloria, quàm Credo, & in ejus fine [ post dictam Orationem super Populum, Ritum superius descripto ] dicitur: *Benedicamus Domino &c.*

Missæ privata verò à Feriâ IV.

Cinerum exclusivè usque ad Dominicam Palmarum itidem exclusivè dicuntur de Festo duplici vel semiduplici infra Hebdomadem occurrente, cum Commemoratione Feriæ, ac Festi Simplicis occurrentis, nec non cum Tractu, Gloria, ac Præfatione de Tempore [ nisi propriam habeant ] aliisque respectivè, ut suis locis notantur. Si non occurrat Festum 9. Lectionum, dicuntur eadem Missæ privatae de Feria occurrente, ut supra, nisi legatur Missa Votiva, aut Missa de Requiem in Ferijs, in quibus hæc Missæ non prohibentur.

Si in FERIAM V. post Cineres incidat Festum Sanctorum 40. Martyrum, seu dies decimus Mensis Martij, tunc Oratio secreta pro Feria currente accipienda est ex Feria 6. ra Cinerum subsequente, quia secreta Festi, & Feriæ currentis tunc coincidunt. *Gavant. Tom. I. P. I. Tit. 7. n. 8. lit. Q.*

Quâvis Feriâ VI. Quadragesimæ, in qua Officium fit de FERIA currente, usque ad majorem Hebdomadem exclusivè dicuntur in Choro post Laudes diei [ dictò *Benedicamus Domino, & DEO gratias* ] Psalmi Pœnitentiales. Quòd si alicubi antiqua, ac inveterata detur consuetudo eos recitandi Feriâ V. præcedente post Completorium, retineri eam posse censuit S. R. C. 2. Aug. 1603. Teste Arnaudo in Append. Epitomes Tit. 40.



§. VII.

De Sabbato post Cineres, seu primò  
in Quadragesima.

**S**ABBATÒ post Cineres [ hoc est Primò in Quadragesima] *Missa*, & *Officium* usque ad *Vesperas* exclusivè dicuntur sicut 3. præcedentibus *Ferijs*, *Ritu*, proximè præcedenti §. annotato. At verò *Vespera* hodie, & deinceps usque ad *Pascha*, ex *Decr. Concil. Cabilon. de Consecr. dist. 1. C.* solent dicuntur in *Choro* Tempore *Quadragesimali* ante *Comestionem* tam in *festis*, quàm in *Ferijs*, non item in *Dominicis*; in his enim dicuntur horâ *consuetâ*. Dixi tamen in *Choro*: Nam *extra Chorum* [inquit hic *Gavantus*] non tenentur ante *Comestionem* recitare *Vesperas*; quia *Concil. Cabil. intelligitur de Publica in Choro recitatione*: Cui tamen congruum est, ut conformemur in *privata quoque Vesperarum recitatione*. Dicuntur autem illæ [eodem *Auctore Teste*] ante *Cœnam*, seu *comestionem*, diebus, quibus præscribitur *Jejunium* in *Quadragesima*, ideo; quia antiquitus solvebatur *Jejunium* Horâ *Cœnæ* in *Quadragesima* post *Vesperas*; licet autem *Horam* solvendi *Jejunium*, seu *comedendi*, nunc anticipemus, retinemus tamen *Vocabulum Cœnæ*, cui etiam benedicimus ea *Prece*, que adhibetur alioquin ad *Cœnam*, & incipit: *Edent Pauperes &c.* uti in *fine Breviarij*: *Quia verò non possumus Jejunare diebus, & Noctibus* (sicuri fecit *Christus*) *jejunemus saltem usque ad Horas diurnales inclusivè*, hoc est, *dictas Vesperas*, uti ait *Archidiaconus in C. solent. de Consecr. Cir. Dixi 2. Tempore Quadragesimali*; Quia diebus *Jejuniorum* extra *Quadragesimam*, etiam in *Sabbato* *occurrentibus*, nequaquam dicendæ sunt *Vesperæ* (nisi *privatim* eas recitantem excuset *legitima causa*) eo tempore, quo dici solent in *Sabbatis*, aut *Ferijs Quadragesimæ*. Pari modo in *Solis Sabbatis Quadragesimæ* (*NB.*) standum est extra tempus *Paschale ad Signum Salvationis Angelicæ*, quod datur in *meridie*: quia nempe in *his solis*, non autem *alijs Sabbatis* per annum, *Vesperæ* pro sequente unaquaque *Dominica* (quibus *solis à Tempore primarum Vesperarum* uti & *toto tempore Paschali* in *memoriam Resurrectionis Dominicæ*, ejusmodi *Preces publicæ* dicuntur stando) dicuntur ante *meridiem*: cum ergo illis *alijs Sabbatis*, extra *Quadrage-*



dragesimam & tempus Paschale occurrentibus, incidente in ea Jejunio de Præcepto ( alicujus v. g. *Vigilia* ) Vesperæ Dominicales ante meridiem non perinde, ac in Quadragesima, dicantur, adeoque Officium Dominicæ nondum sit inchoatum, incongruè Preces Angelicæ Salutationis *stando* dicerentur, utpote quæ ( uti & aliæ, eæ præfertim, quæ juxta Ritum Rom. Ecclesiæ publicè in Choro peraguntur, ubi aliter Rubricæ non præscribunt ) non nisi aut ratione Dominicæ, aut ratione Temporis Paschalis *stando* dici solent à Fidelibus, ut memores videl. sint, se cum Christo resurrexisse à morte animæ in Spem vitæ æternæ, ut Concilia loquuntur apud Laymanum *L. 4. Tr. 7. C. 1. n. 2.* Quia autem hodierno Sabbato, ac reliquis deinceps diebus usque ad Pascha, exceptis *Dominicis*, modò prædictò separantur *Vesperæ* à *Completorio*, ideo oritur hîc quæstio: An *COMPLETORIO*, quando separatur à *Vesperis*, præmittenda sit Oratio Dominica &c. Ad quam &c. mihi videri non præmittendam. Colligo hanc meam Re-

sponcionem ex Rubrica 1. ma, Matutino Dominicali ante Orationem Dominicam præfixâ, ubi expressè dicitur: *Pater noster, & Ave Maria dici ante Matutinum, & omnes Horas, præterquam ad Completorium.* Modum ulteriorem dicendi Officium de tempore in *SABBATIS & DOMINICIS Quadragesimæ* usque ad *Sabbatum Dominicæ Passionis*, videin *BREVIARIO*: quod ut rectè tam intra, quàm extra hoc Tempus, circa cantum Hymnorum *quoad Notas* in Choro Ordinetur, monet Henric. Pisart in *Direct. Canon. C. 6. Propr. de Tempor. curandum esse*, ut quando in aliquo Hymno concurrunt duæ vocales ( uti in Strophâ quarta Hymni *Vesperarum Quadragesimalium*: *Audi benigne Conditor versu 3. culpæ ut &c.* ) fiat elisio primæ illarum vocalium, faciendò ex duabus syllabis quasi unam, quæ respondeat Notæ ijs appositæ, vel ità utramque pronuntiandò, ut quasi una esse censeatur, vel ex Nota una correspondente faciendò duas breves; nisi enim hoc fiat ( inquit ) in carmine supererit una syllaba, & deficiet una Nota.



I TITU